



МЕНИНГ ФИКРИМ

ЖИНОЯТЧИЛИКНИ КАМАЙТИРИШ МУМКИНИ

Ўзномада «Осмон нега тушиб кетмас экан?» номли мақолани ўқидиму юрагимда йиғилиб қолган гапларни муҳтарам ўқувчилар билан ўртоқлашишга аҳд қилдим. Аввало ўзимни таништирай. Ешим 54 да, 30 йилдан ошиб қолди — ўқитувчман. 6 нафар фарзандим, уч нафар набирам бор.

Жамиятимизда рўй бераётган ўзгаришларга (яхшими, ёмонми) бефарқ қараб туролмайман. Айниқса жиноятчиликнинг шиддат билан ўсиб бораётгани, тақчиллик, қимматчиликнинг калқ хўжалиги барча қатламларни чирмовуқдек ўраб-чирмаб олаётгани мени қаттиқ ташвишга солади.

Айрим кишилар шу ўринда авваллари ҳам шундай даврлар бўлганлигини рўқач қилишади. Хўш, нима қилибди? У пайтларда аҳвол оғир эди. Улуғ Ватан урушидан халқимиз ҳориб чиққан, шу боис етишмовчилик юзага келганди. Ахир кейин давлатимиз оёққа туриб олдику?! Еганимиз олдимизда, емаганимиз кетимизда бўлдику! Оз эмас, кўп эмас — 35 йил худди жаннатда (ҳатто коммунизмда) яшаётгандек сездику ўзимизни! Бу ширин туш эмас, ҳақиқат эди!

Менинг назаримда бугунги иқтисодий танглик бошқарувдаги ўқувсизлик натижаси. Жиноятчиликнинг тегирмонига сув қуяётган («Осмон нега тушиб кетмас экан?») мақоласининг муаллифини ўйлаштириб қўйган) дастлабки омил шунда.

Кейинги пайтларда иттифоқ миқёсида олдинги раҳбарларнинг гўрига гишт қалаш одат тусига кириб қолди. Ҳаммамиз ҳам амалий иш билан шуғулланиш, ишлаб чиқариш ўрнига сўзамолликни касб қилиб олдик. Қийин бўлсада, бунини тан олиш керакка ўхшайди. Ана шу хатони тузатиш эса кечиктириб бўлмайдиган масала.

Ўзингиз ўйлаб кўринг. Аввалги жиноятчилик билан ҳозиргисининг ўртасида ер билан осмонча фарқ бор. Авваллари асосан пул, қолаверса, чет элда ишлаб чиқарилган қимматбаҳо буюмларни ўмарилган, эндиликда эса кундалик озиқ-овқат маҳсулотларини ўғирлашдан ҳам ор қилишмаяпти. Бунини айтишга уялади одам. Мўл-кўлчилик бўлса, жиноятчилик (шармандали жиноятчилик) анча-мунча, ҳатто кескин камаяди.

Шу ўринда баъзилар ҳамманинг фикри-зикири шунда, аммо қандай қилиб мўл-кўлчиликни рўёбга чиқариш мумкин, деб сўраши табиий.

Фикри ожизимча, даставвал меҳнат қонуни ижросини кучайтиш даркор. 18 дан 60 ёшгача бўлган эркеклар, 18 дан 55 ёшгача бўлган аёллар фойдали меҳнат билан шуғулланишлари шарт. Ҳозир эса мўмай пул топиш илмида бу нарса бузилапти. Ҳозир айнан бизнинг жумҳуриятимизда ишчи ўрни эмас, ишчи кучи етишмаяпти. Бу, албатта, шахсий фикрим.

Иккинчидан, ширкатлар тўғрисидаги қонунга жиддий ўзгартиришлар киритиш ниҳоятда зарур. Бундай корхоналарнинг аксарияти ишлаб чиқариш билан эмас, тайёр буюм ва молларни қайтадан (устама нархда) пуллаш билан шуғулланмоқда. Лўнда қилиб айтганда, қонун билан ҳимояланган олибсотарлик гуркираб ўсмоқда.

Учинчидан, ичкиликбозликка қарши кураш тўғрисидаги қонунни бекор қилиш энг тўғри йўл бўлади. Негаки, бу қонун ичкиликбозликка кенг йўл очиб бермоқда. Ичинини хоҳлаганлар 15 сўмдан эмас, 30 сўмдан ҳам топиб ичишяпти. Айни вақтда ароқ чайқовчилиги ўсиб борапти. Агар дўконлар худди аввалгидек спиртли ичимликлар билан етарлича таъминланса, одамларнинг (айниқса, ичкилик шайдоларининг) кўзи тўяди. Қўлбола ароқ тайёрловчилар фаолияти ўз-ўзидан касодга учрайди.

Тўртинчидан, тартиб-интизомни кучайтириш шу куннинг муҳим талаби бўлиб қолди. Кичик оилада тартиб-интизом бўлмаса, бошбошдоқлик бошланади.

Ваҳоланки, мустақил жумҳуриятимиз турли миллат фарзандларидан ташкил топган йирик оиладир.

Бешинчидан, милиция ходимларига аҳамиятни кучайтириш керак. Бу соҳага адашиб кириб қолган айрим шахсларни рўқач қилиб, бутун тартиб посбонлари шаънига лой чаплаш гумроҳлик ва калтабинликдан ўзга нарса эмас. Иложи борица уларга ёрдам бериш, мадад бўлиш шарт.

Олтинчидан, ўрта мактабдан бошлаб ёшларга ҳуқуқ-тартиботни ўргатиш лозим. Шахсан мен ўзим 8 йил аввал мактабимизда «Инсон ва қонун» тўғрисидаги ташкил этганман. Тўғрақ аъзоларидан икки киши ҳуқуқшунослик олий билимгоҳида таҳсил оляпти, 4 киши милицияда хизмат қилмоқда. Энг муҳими ўқувчиларимиз (собиқлари ҳам) бирор марта 8 йил бадалида қонунбузарликка қўл уришмади. Ҳозирги кунда ҳам туман прокурори П. Шерматов, ИИБ бошлиғи А. Эргашев, милиция майори О. Абдулов, милиция капитанлари М. Исоқов, С. Холмирозав, О. Ашуровлар ўқувчиларимизга ҳуқуқ-тартиботни ўргатишда сидқидилдан ёрдам бермоқдалар.

Ҳамма жойда ана шундай иш юритилса, жиноятчилик кескин камайишига шубҳам йўқ.

Каримжон ҲАКИМОВ,
Хўжаобод туманидаги
22-мактаб ўқитувчиси.

ТАҲРИРИЯТДАН: биз Каримжон Ҳақимовнинг мактубини унинг мулоҳазаларига тўла қўшилганимиз учун эълон қилаётганимиз йўқ. Аксинча, унинг фикрларида мулоҳазали томонлари ҳам бор. Аммо бу кишининг куюнчаклиги, мустақил жумҳурият равақи йўлида бефарқ туролмаслиги эътиборимизни тортди.

Хўш, бу борада сизларнинг қарашларингиз қандай? Қандай қилсак жиноятчилик йўлига ров қўя оламиз?

Хатларингизни кутамиз.



Милиция кунига бағишланган тантанали маросимлар жумҳуриятимиз вилоятларида юқори савияда ўтди. Оғир ва шарафли меҳнат соҳиблари байрамларини ўзига хос меҳнат ютуқлари билан кутиб олиб қизғин нишонладилар. Тошкент вилояти ички ишлар бошқармасида ҳам бу тантанга алоҳида эътибор берилди. Йиғилганлар ҳалок бўлган милиция ходимларининг руҳини шод этиб мотамсара аёл ёдгорлиги пойига гуллар қўйишди ва зиёрат қилишди. Сўнгра ўрнатилган кўрсатиб хизмат қилган ходимларга мукофотлар тошқирилди. Кейин эса санъаткорлар чиқиши томоша қилинди.
СУРАТДА: байрам маросимидан лавҳалар.

Даврон АХМАД олган суратлар.

КАСБ БАЙРАМИ НИШОНЛАНДИ

Яқинда Фарғона вилояти ички ишлар бошқармасида милиция кунига бағишланган тантанали маросим бўлиб ўтди. Уни ИИБ бошлиғининг ўринбосари, милиция подполковниги Гофиржон Зокиров очди ва жумҳурият ички ишлар вазири, милиция генерал-майори Зокиржон Алматов табригини ўқиб эшиттирди.

Шахсий таркибни ижтимоий ва ҳуқуқий жиҳатдан ҳимоялаш уюшмаси раиси, ички хизмат подполковниги Набижон Ваҳобов фарғоналик тинчлик посбонлари фаолияти ҳамда эришилган ютуқлар ҳақида маъруза қилди.

Шундан сўнг вилоят ИИБ бошлиғи, милиция генерал-майори, жумҳурият халқ ноиб Рустам Абдуллаев, истеъфодаги милиция полковниги Мадаминжон Боборахимов, полковник Даниэл Семьяс-

кийлар маросим қатнашчиларини кутлуғ айём билан муборакбод этдилар.

Ниҳоят ҳамкасблари ДАН ходими, милиция лейтенанти, собиқ «Орёл» милиция мактаби курсанти Шерали Саримсоқовни Россия Жумҳурияти Президенти Борис Ельцин ташаккурномаси билан қутладилар. Бу жасур йигит шу йил 21-23 август кунлари давлат тўнтериши қилмоқчи бўлганлар қутқусига учмай, Ватанга, халққа садоқатини намойиш этганлиги учун ана шу мукофотга сазовор бўлганди.

Тантанали йиғилиш сўнгиде Бувайда тумани ИИБ шофёри Мўминжон Уринов бошлиқ ҳаваскорлар дастаси ёқимли куй-қўшиқлари билан даврага файз киритдилар.

Муҳаммадрасул КИМСАНБОЕВ, милиция майори.

ХАБАРЛАР ОҚИМИДАН

ҚОРОВУЛГА ЕЛЧИМАГАН ДАРГОҲ

Қўқон шаҳридаги «Ўзбек-геофизика» идорасига 6 ноябрь кунини тушган ўғриллар чет элда ишланган «Канон-ЕС-1/2» белгилни кўпайтирувчи аппаратни ўмарилди. Воқеа жойига етиб борган милиция ходимлари шундай улкан даргоҳда на қоровул, на ташвишгоҳ йўқлигидан лол қолишди.

ЭШИК ҲАМ ПУЛ-КУ

Пойтахт вилояти Чирчиқ шаҳрида яшовчи фу-

қаро Н. С. 6 ноябрда ИИБга қўнғироқ қилди. Уй эшикларини бузиб кирган номаълум шахслар унинг 12 минг сўмлик мол-мулкни шилиб кетишган эди.

УЙҚУДАГИ ҚУЙЛАР

Қашқадарё вилояти Нишон туманига тунда яқинлашган шарпалар давлат хўжалиги отаридан фуқароларга тегишли 58 бош қўйни бағиллатмасдан уловга тикиштирдилар. Эрталаб қўйхона ичига кирган чўпон ҳам жониворларнинг бунчалар шарпасиз чиқиб

кетганидан ҳайрон. Ёки улар уйқуда бўлганмикан-а?!

БОЗОР

Автомашинаси ёнига яқинлашган Т. К. ханг-манг туриб қолди. Самарқанддан атайлаб Сурхондарёга бозор қилгани келган «меҳмон» улов ичидаги 8.700 сўмнинг «эгаси» чиққанига ишонгиси келмасди. Бироқ синдирилган машина ойналари пулларида айрилганига ишора қилиб турарди.

М. ИБРОҲИМОВА.

НОМУС ЎҒРИЛАРИ

Шу йилнинг 5 октябрыда Коммунистик тумани ИИБ навабчилик қисмига 1974 йилги туғилган Н. мурожаат қилди.

Айтишича, 4 октябр кунини соат 18.00 ларда иккита номаълум шахс «Соҳибкор» шўро хўжалиги ҳудудиде уни юк автомашинасига ўтқазилган ва Жамбул жамоа хўжалигининг 8-бригадаси даласига олиб келишган. Бу ерда ўн гулдан бир гули очилмаган қизчанинг иффа-

тига тегишган. Дарҳол кўрилган чора-тадбирлар туфайли икки марзанинг шахси аниқланди. Ҳозир тергов ҳаракатлари бошлаб юборилди. Бу ишнинг фойда этишда Коммунистик тумани ИИБ вақтинча тутиб туриш хонаси бошлиғининг ўринбосари, милиция катта лейтенанти Гулом Пўлатхўжаев ва участка инспектори, милиция катта сержанти Бурҳон Қобилов фавқ қатнашди.
ҲАБИБ ШУКУР.

КИМНИ

АЛДАЯМИЗ?

Инсоният пайдо бўлибдики, тўғрисузликни энг улугъ фазилат ҳисоблайди. Мавлоно Муқимийнинг «Гар қилч бошимга ҳам келса дегайман ростни...» деган сатрлари бу фикрнинг ёрқин исботидир.

Айтайлик, бирор фуқаро бирор безоридан қаттиқ ранж тортиди. Табиий, бу ишга милиция, прокуратура ва ниҳоят суд аралашади. Четдан қараганда ҳуқуқ-тартибот органлари иши ниҳоятда жўн туюлиши мумкин. Чунки даъвогар даъво қилляпти, айбдор жазо кутияпти. Хўш, аслида ҳам шундайми?

Ўткирбой Каттабеков Гагарин номли давлат хўжалиги ҳудудидаги С. Сарафий кўчасида, яна ҳам аниқроғи 23-уйда истиқомат қилади. Иккинчи гуруҳ ногирони. Еши 28 да.

Шу йилнинг 21 апрель кунини соат 24 ларда маст ҳолатда Улуғбек кўчасидаги 1-уйда истиқомат қилувчи Гулсина Давированикига келади.

— Эшикни оч, сенда гапим бор, — дейди.

Аммо уй бекаси унинг мастлигини сезиб, бу таклифни рад этади.

Ўткирбойни кайфи тароқ эмасми, ўзини ҳақоратланган сезади ва пешайвоннинг ойнасини уриб синдиради.

Гулсина милиция чақириш учун деразадан ўғлини чиқариб юборади.

Буни сезган Ўткирбой девор оша қочади, шунда унинг ёнидаги миллий пичоғи тушиб қолади.

Ана шундан кейин Гулсина ИИБ бошлиғи номига шовилмай ариза ёзишга киришди. Унинг баён қилишича, Ўткирбой маст ҳолда келиб, эшикни очишни талаб қилган, у кўнмагач, уятли сўзлар билан сўкиб, пешайвон ойнасини пичоқ билан уриб синдирган. Ҳамма билади, пичоқ аралашдими — тамом, бу жиноий иш чора кўрмай қолдирилмайди.

Ўткирбой ўша кеча қочиб чиққач, таниши Норбой Махановникига боради. Бир оз гаплашиб ўтиради ва шу ерда ухлаб қолади. Эртасига эса милиция ходимлари қўлга олишади.

Шу билан тергов ҳаракатлари бошланиб кетди. Айбланувчи чиндан ҳам ўша кун Гулсинани тунда маст ҳолда безовта қилганини, рад жавобидан кейин ойнани пичоқ билан уриб синдирганини ва ниҳоят ўша пичоқни хонадон бекасига қараб отганини «тан олиб» кўргазма берди.

Начора, чиқмаган жондан умид, дейдилар. Ўткирбой бир неча марта эркак бошини ҳам қилиб боравергач, Гулсинанинг юраги тош эмас, кечириб юборди. Шу боис туман халқ суди Ўткирбойга нисбатан қўзғатилган ишни юмшатишга мажбур бўлди. ЖМнинг 204-моддаси 2-қисми эмас, 1-қисмига асосланиб ҳукм чиқарди. Айбдорга 200 сўм жарима солинди.

Аслида суд ҳайъати Гулсинани ҳам, Ўткирбойни ҳам ёлгон кўрсатма берганлиги учун ЖМнинг 161-, 162-моддаларига биноан айбдор деб топиши мумкин эди. Аммо одамгарчилик деган нарса бор...

Н. ҲАЗРАТҚУЛОВ,
Ильич тумани халқ судининг раиси,

Ф. МАЛИКОВ,
ИИБ бошлиғи ўринбосари, милиция капитани.

Мирзачўл.

Ана шу номни эшитганда киши кўз ўнгида Ўзбекистон пахтасининг салмоқли қисмини етказиб бераётган, обод ва серфайз ўлка намоён бўлади.

Бу ўлка бир пафтлар «қуш учса қанотини, одам юрса оёғини куйдирадиган» яйдоқ чўл бўлганлигини катта ёшли кишилардан эшитганмиз, холос.

Уни ўзлаштирганлар кимлар? Бу савол ҳеч кимни бефарқ қолдирмас керак.

Тошкент вилояти ИИБ раҳбарияти илтимосини қондиргач, 1957 йил декабрь ойида Шариф Турдихўжаев чўлга келди. Уюм-уюм қор барханлари, изгириш шамол ҳуштак чалади. Аҳён-аҳёнда бунёдкорларнинг чодирлари, вагон-уйчалар кўзга ташланади. Бошқа ҳеч вақо йўқ.

Авваллари махфий тутиларди, ҳозир очиқ-ойдин айтиш мумкин: чўлни ўзлаштиришга келганларнинг аксарияти судланганлар ёки муқаррар жазодан қочиб юрган жиноятчилар эди. Шу боис милиция ходимларидан ўта эҳтиёткорлик ва зийраклик талаб қилинарди.

Йилнинг ўрталарига бориб, барпо этилаётган Янгйер шаҳрига уч киши ташриф буюрди.

Уларнинг бири Совет Иттифоқи Қаҳрамони В. И. Рибалко эди.

У Шариф ака билан олиб борилаётган ишлар ҳақида, камчилик, етишмовчиликлар хусусида анча суҳбатлашди. Кейин тезроқ зарурий идора (шаҳар партия кўмитасини) тузишга ваъда бериб жўнаб кетди.

Орадан кўп ўтмай Янгйер шаҳар милиция бўлими ташкил қилинди. У ЖҚБ, БХСС ва тергов бўлинмасидан иборат бўлиб, яна икки участка вакили, икки нафар сержант милиционерларни ўз ичига олганди.

ЖҚБда Н. Абзалов, Х. Абдиев, Ф. Сайдуллаев ва бир ит боқувчи, БХССда В. Адамчук ва Ш. Турдихўжаев, терговда Ш. Шоҳайдаров, Бахолдин, Муртазинлар бор эди.

Ун уч нафар ходими бўлган ИИБга Жўра Отамуродов бошлиқ эди.

Шароит оғир эди. Ишлаш жуда қийин кечарди, уч-тўрт хонали, тахтадан ясалган уйчаннинг ўзида тартиббузарлар сўроқ қилинарди. Жиноятчи шахслар эса вақтинча ҳибсда ушлаб туриш учун қўшни Ховос туманига юбориларди.

Ходимларда тиним йўқ эди. Негаки қурилиш материаллари, озиқ-овқат ва бошқа савдо моллари омборхоналар йўқлигидан очиқ жойларда сақланарди.

Чўлдаги қурилишлар майдони кенгайгандан кенгайар, келаётган «кўнгиллилар» сони кўпайгандан кўпайиб борар, аммо бўлим ходимлари ҳамон ўша-ўша — 13 нафар кишилигича қолаверди.

— Бизлар ишмизни енгиллатиш мақсадида шу ердаги одамларни жалб қи-

— 1957 йилнинг ёзида Янгйерга Ўзбекистон Компартияси МҚнинг биринчи котиби Н. Муҳитдинов ташриф буюрди. Катта чодирда йиғилган фаоллар ўртасида Мирзачўлни ўзлаштириш борасида қилинаётган ишлар ҳақида гапирди. Ҳеч қандай қозғоғозсиз.

Унинг «Мирзачўл боғу бўстонга айланади», — деган сўзлари ҳамон ёдим-

МИРЗА ЧЎЛНИНГ
МИРЗОСИ

ла бошладик. — деб эслади Шариф ака. — Ҳар биримизнинг махсус ёрдамчиларимиз бўлиб, уларга топшириқлар берардик. Халқ вакиллари билан ўрнатилган бу алоқа ишимизда жуда асқотарди.

1957 йилнинг кузида қотиллик ҳақида хабар олдик. Воқеа жойини синчиқлаб кўздан кечирдик. Маълум бўлишича, бир гуруҳ жиноятчилар Янгйердан ўтувчи темир йўлнинг нариги юзида жойлашган дўкон қорувлини гумдон қилиб, молларни ўғирлаб кетишган экан.

Исковуч итни чалғитиш мақсадида изларига кимёвий дори сепишибди.

Х. Абдиев бошчилигидаги оператив гуруҳ жиноятчиларни Қозғистоннинг Туркистон шаҳрида қўлга туширдилар. Тадбир шу қадар тез ва пухта амалга оширилдики, ҳатто кийимларига қон сачраган жиноятчилар уст-бошларини алмаштиришга ҳам улгуришмади.

Яна бир мисол келтирай. Янгйер шаҳридаги қурилиш бошқармаси бошлиғи бир гуруҳ жиноятчилар билан тил бириктирган. Қалбаки ҳужжатларни расмийлаштириб, давлатнинг жуда катта миқдордаги маблағини ўзлаштириб келганлар.

В. Адамчук раҳбарлигидаги оператив гуруҳ жиноий уюшманинг ҳамма аъзоларини қўлга олди.

Ходимлар ўз қуролларини доимо бирга олиб юришарди. Чунки уларни сақлаш учун махсус жойнинг ўзи йўқ эди-да.

Даштда қонунбузарликнинг кўпайишига уч нарса сабабчи эди. Биринчиси, бу ерга келган ёшларнинг кўпчилиги илгари судланганлар, иккинчиси, оила-сиз, ўзбошимча бўйдоқлар, учинчиси, иш ҳақининг бошқа ерларга нисбатан 2-3 баравар кўп тўланиши. Бу пулларга эса спиртли ичимликлар сотиб олиб истеъмол қилишарди. Маст ҳолатда ур-йиқит, тўс-тўполонни авжга чиқарардилар.

Бир оз сукунатга чўмган Шариф ака яна хотираларга берилади.



да. Ана шу гапларнинг нечоғлик амалга ошганини кўриш ишгиёқда 1987 йили Янгйер ва Гулистон шаҳарларида бўлдим. Ўзим қачонлардир ишлаб, яшаган жойларимни тахмин қилиб ҳам тополмадим. Бу ерда ҳамма нарса янгича, замонавий.

Ҳа, илгари туман прокурори, терговчи вазифаларида ишлаб, назарий ва амалий билим орттирган Ш. Турдихўжаев учун Мирзачўлнинг оғир шароитларида кечган хизматлари ўзига хос чияқиш мактаби бўлди.

— 1957 йилнинг қиши. Иссиқ демай, совуқ демай ишлаб юравериб, ўпкамни шамоллатиб қўйибман. Ёш, бақувватлигим туфайли сил касалига йўлиққанамни билмабман ҳам.

Бир кун бошлиғимиз мени топшириқ билан Тошкентга юборди. Чиноз туман-

нига етганимизда, мен келаётган юк машинаси бузилиб қолди. Йўловчи уловларни тўхтатишга қилган ҳаракатларим бекор эди.

Шунда мен сўнги чорани қўллашга мажбур бўлдим. Бу вақтда йўталиш тутиб, оғзимдан қон кела бошлаганим.

Тўппончамни чиқариб рўпарадан келаётган машинага юрдим. Ҳайдовчи қўрққанидан тўхтади. Унга гувоҳномамни кўрсатиб, Тошкентга олиб кетишни илтимос қилдим.

Тунги соат учларда уйга кириб келдим. Насаллигимни ҳеч кимга билдирмай, топшириқни бажардим. Чунки хасталигимни билиб қолишса, ишдан четлаштиришларидан қўрқардим. Анча вақт шундай ишлаб

юрдим. Аммо оғир шароит умуман тинкамни қуритди. Охири ётишга мажбур бўлдим.

Шариф ака анча сукут сақлагач, ҳазин оҳангда давом этдилар.

— Сил касаллиги Мирзачўлдан абадий эсдалик бўлиб қолди. Иккинчи гуруҳ ногирони эканлигимга қарамай, Тошкент шаҳар Киров тумани ИИБда штатсиз участка вакили бўлиб ишладим.

Мана, чўлни ўзлаштирганимизга ҳам 35 йил бўлибди. Мен унинг бунёдкорлари қаторида милиция ходимларининг ҳам хизматлари беқиёс эканлигини таъкидламоқчиман, холос.

Миркарим МИРСОВУРОВ.

СУРАТДА: 1957 йилнинг ноябри. Ш. Турдихўжаев (ўнгда) қурилишни кўздан кечирмоқда.



Патрул-пост хизмати ходимлари зиммасига жамоат жойларида тартибни сақлаш вазифаси юклатилган. Уларнинг сергаклиги туфайли осойишталик ҳукмрон ва жиноятларнинг олди олинмоқда.

СУРАТДА: Сирдарё шаҳар ва туман ИИБ патрул-пост хизмати ходими милиция старшинаси Гафур Рустамов ва милиция сержанти Зиёдулла Мусоев тартиббузар мотоцикл ҳайдовчиси билан суҳбатлашмоқдалар.

Ҳабибулла ШОДИЕВ
олган сурат.

Револьвер

«1989 йил 5 декабрь кунин эрим мени машинасида ишхонамга кузатиб қўймоқчи бўлди. Соат 9 яримларда иккимиз йўлга чиқдик. Ҳаво совуқ эди. Икки йигит қўл кўтарди. Утиб кетиб тўхтадик. «Кел, совуқда туришмасин, олиб кета қолайлик», — деди эрим.

Улар Қўйликда олиб бориб қўйишимизни илтимос қилишди. Йўл-йўлакай мени ишхонамда қолдиришди. Уша кунин эрим уйга қайтмади, эртаси кунин Куйбишев тумани ИИБга мурожаат қилди. Орадан 39 кун ўтгач, яъни 13 январь кунин у кишининг жасадини олиб келишди...»

Жабрланувчи Нурматовнинг кўрсатмаси.

«24 октябрь кунин кеч соат 7 яримларда «ВАЗ-21011» белгили П 7337 ТН рақамли машинани «Зарафшон» ресторани ёнидаги тўхташ жойига қўйиб, тамадди қилиб олмоқчи бўлдим. Ресторандан чиқиб қарасам, машинам қўйган жойимда йўқ. Милицияга шовилинч хабар қилдим. Тунги соат 2 ларда улар машинамини топишганларини айтишди. Биргаликда Тошавтомаш даҳасига келдик. ДОСААФ бяноси ёнида машинам ёндириб юборилган ёкан...»

Жабрланувчи Б. Абдурахмонов кўрсатмасидан.

«16 декабрь кунин дўстим В. Рўзматов билан бирга марказий кўпмолли дўконга келдик. ВАЗ-2106 белгили Л 65—01 ТШ рақамли машинамиз ташқарида қолди. Қайтиб чиқиб, машинамиз ўғирланганини сездик. Милицияни огоҳ этдик. Орадан бир мунча вақт ўтгач, милиция ходимларидан машинамиз топишганини эшитдик. Эски ТОШНИ ёнида машинамини олиб қочганлар «Икарус» автобусига уриб юборган экан. Унг томони пачоқланиб кетган, пешонасида қон излари бор эди...»

Жабрланувчи Т. Муслимов кўрсатмасидан.

Аҳоли сони тобора ўсиб бораётган, биров-бировни танимайдиган Тошкентда шайхри азимда кетма-кет рўй берган бу воқеаларни кўпчилик эшитмаганлиги табиий. Аммо шу тўғрисида беқисс азият чекканларнинг оқ-фиғони кўкка ўрмалади. Ўғирланган машиналарни ку қўяверинг, нари борса темир, деймиз. Аммо битта одам ҳалок бўлди, унинг жасадини Чирчиқ дарёсидан топишди. Демак, у 39 кунгача сув остида ётган. Энг алам қиладигани (ҳаммадан ҳам унинг рафиқасию болачақасига) Ўктам Нурматов бирор эҳтиётсизлик тўғрисида сувга тушиб кетмаган. Уни ўлдириб (тўғрисида отиб), кейин оёғига қоп кийдиришган, қопни тош билан тўлдиришган ва ниҳоят уч кишилашиб дарёга улоқтиришган. Худди мушукнинг жасадини иргитгандек...

Ўктам Нурматовнинг мурдаси топиладиган кейин ҳам бу борадаги миш-мишлар босилмади. Биров у деди, биров бу. Аммо аслида нима бўлганини, марҳумнинг ўлими кимга ва нима учун керак бўлиб қолганини ҳеч ким билмасди. Хуллас, миш-мишларга

чек қўйиладиган, фалокатлар сабаб ва оқибати атрофлича таҳлил қилинадиган кун ҳам келди. Тошкент шаҳар суди биносида уч кунгача (июль ойида) очиқ суд мажлиси давом этди. Шаҳар судининг жиноий ишлар бўйича ҳайъати бир йўла тўрт йигитчанин ишнини кўриб чиқди. Ва уларнинг ҳар бири Ўзбекистон Жумҳурияти жиноят мажмуасига биноан жазоландилар.

Муҳтарам ўқувчиларга тушунарли бўлсин учун уларнинг ҳар бирини алоҳида-алоҳида таништирсанда, кейин қилғиликларини фош этсан.



Зафар Тоиров 1967 йилда Тошкентда туғилган, ўзбек, маълумоти ўрта, уйланмаган. Муқаддам 1988 йилда ҳарбий трибунал томонидан судланган ва РСФСР ЖМнинг 145-моддаси 2-қисмига асосан бир йилу 6 ойга озодликдан маҳрум этилган. Тошкент шаҳридаги Калинин кўчасида, 3-уйда истиқомат қилиб келган. Ҳеч қаерда ишламаган.

Эркин Ғоибназаров эса 1967 йилда Ўш вилоятининг Ўзган шаҳрида туғилган. Ўзбек, маълумоти ўрта, муқаддам судланмаган. ТТЗ—2 даҳасида, 11-уйнинг 31-хонадонида яшаб келган. Қамоққа олингунга қадар ҳеч қаерда ишламаган.

Аълобек Ҳакимбеков эса 1967 йилда Тошкентда туғилган, ўзбек, маълумоти ўрта, уйланмаган. Муқаддам судланмаган. Афғонистонда ҳарбий хизматни ўтаган. У ҳам ҳибсга олингунга қадар фойдали меҳнат билан шуғулланмаган.

Ўзгариш кўчасидаги 111-уйда яшаб келган.

Шухрат Шарафутдинов эса 1965 йилда Чирчиқ шаҳрида таваллуд топган. Миллати тожик, ўрта техника маълумоти бор, бўйдоқ. «Электростроитель» ишлаб чиқариш бирлашмасида ҳайдовчи эди. Чирчиқ шаҳридаги «8 март» кўчасида, 36-уйда истиқомат қилиб келган.

Бир қарашда кўнгилсиз воқеаларнинг бошланиш нуқтаси Аълобек Ҳакимбековга боғлиқдек туюлади. У 1989 йилнинг 12 ноябрь кунин «Пахтакор» ўйингоҳи ёнидан, аниқроғи «Ешлик» комплекси ҳудудидан «Револьвер» типидagi қўлда ясалган қуролни топиб олган. Қуролнинг тўртта ўқи ҳам бор эди.

У юқорида айтганимиздек, Афғонистондаги мақсадсиз урушда иштирок этган. Эҳтимол кўз ўнгиди

не-не бегуноҳ йигитлар шу каби қуролдан отилган ўқлар тўғрисида ҳаётдан кўз юмгандир. Ҳар қолда бу ёғи бизга қоронғи. Лекин барибир у мавжуд қонунни — бундай қуролни сақлаш жиноят эканлигини яхши билган. Билган бўлсада, ички ишлар идорасига топширмади, қайтанга уйига олиб бориб яшириб қўйди. Кейинчалик эса ўша қуролни Зафар ва Эркинларга берган. Ҳаммаси шундан бошланди.

Зафар ва Эркиннинг ҳибсга олингунга қадар ғирт бекорчи бўлишгани ҳам муҳтарам ўқувчиларимизга сир эмас. Табиийки, бирор жойда ёлчилик ишласанг, пул топиб бўлмайди. Пулсиз яшаш кўп душвор.

Аммо бу йигитчалар муаммони ўзларича ҳал этишди. Кўча-кўйда нима кўп — бир-бирини қувлашиб ўтаётган машиналар кўп. Биттасини тўхташиб, овлоқроқ жойга олиб боришса бўлгани. Ҳар қандай девсифат ҳайдовчи ҳам тўппончани кўргач шайтонлаб қолади. Машинани сотишса, ҳеч бўлмаганда қисмларга ажратиб пуллашса бўлди. Анча-мунча вақт мобайнида «шоҳона» ҳаёт кечириб имкониятига эга бўлишади.

Шундай қилишди ҳам. Ўша машғум кун соат 11 лар атрофида Пушкин ва Жуковский кўчалари кесилган чорраҳада «ВАЗ-21063» белгили Т 07 67 ТН рақамли машинани тўхтатишди. Одам шаклидаги иблислар домига тушган марҳум Ўктам Нурматов эди. Зафар орқа ўриндиқдан, Эркин эса ҳайдовчи ёнидан жой олишди.



Уларнинг режалари амалга ошди. Файзулла Хўжаев номли боши берк кўчага бурилгач, тўхташни илтимос қилишди. Шу пайтнинг ўзида Зафар қуролни чиқариб, Ўктам Нурматовни отиб ташлади. Ўктам Нурматов шу заҳотиёқ мангуга кўз юмди.

Зудлик билан мурдан орқа ўриндиққа ётқизган ваҳшийлар йўлга тушишди. Машинани Эркин бошқарди. Черданцев кўчаси Максим Горький шоҳкўчаси билан кесилган жойда Аълобекни ҳам машинага чиқариб олишди ва Ўстонлиқ тумани тарафга елиб кетишди.

«Жигули» учун йўл ҳеч нарса эмас. Орадан кўп ўтмай асрлардан бери бир меъёрга оқайтган Чирчиқ соҳилига (бу ер «Чотқол» дам олиш уйидан унча узоқ эмас) етиб келишди. Титраб-қақшаб мурдани машинадан чиқаришди. Оёғига қоп кийдириб боғлашди. Қопни эса тош билан тўл-

диришди. Кейин биргалашиб сувга улоқтиришди. Энди ўлжани «ҳазм» қилиш керак, яъни машинани пуллаш лозим. Ана шу мақсад билан Чирчиқ шаҳрига келишди. Машинани Эркиннинг танишини уйда қолдиришди. Эртаси кунин эса учовлон муқаддам судланган Шухрат Шарафутдинов билан «бор-барака» қилишди. Ўғирлик улов 2 минг 500 сўмга пулланди. Харидор қолганини кейин бериш шартин билан ҳозирча 300 сўм тутқазди.

Суд ҳайъати шунга ҳам жиддий эътибор берди. Қайсики, Шухрат машина жиноий йўл билан қўлга киритилганини, ҳеч қанақа ҳужжатлари йўқлигини яхши билсада, ҳаромдан ҳазар қилмаганди.

1989 йил декабрь ойларининг ўрталарида Аълобек Ғоибназаровлар гаражда унинг отасига тегишли бўлган машинадан бояги қуролни учта ўқи билан олди ва ўз уйда (ҳожатхонада) 13 январга қадар ноқонуний равишда сақлади. Милиция ходимлари бу қуролни Ҳакимбеков гумондор тариқасида қўлга олингандан кейин мусодара қилишди.

Кошки бу жиноий тўданин кирдикорлари шу билан ниҳоясига етган бўлса. Афсуски бундай бўлмади. Ўрганган кўнгил ўртанса қўймас экан.

Эркин Ғоибназаров 24 октябрь кунин «Зарафшон» ресторани ёнида турган машинани обдон кузатди. Эгаси кўринмагач, секин-аста (худди ўғри мушукдек) яқинлашиб борди. Эшиклари беркитилган экан. Ҳечқиси йўқ. Бунақа ишларга унинг суяги йўқ.



Орадан кўп ўтмай у ўша машинани «Тошавтомаш» даҳаси томонга учуриб кетди. Хилватроқ жойда тўхтади ва қўлга илингулик эҳтиёт қисмларини ечиб олиб, номаълум кимсага пуллади. Юқорида айтганимиздек, бу машина ёқиб юборилган ҳолатда топилиди. Қисқа қилиб айтганда, жабрланувчи Б. Абдурахмонов 5 минг сўмга тушди.

16 декабрь кунин ишнини эса икки киши бўлиб, яъни дўсти Зафар билан амалга оширди. Соат тахминан 14 лар эди. Тошкентдаги марказий кўпмолли дўкон ёнидаги «Жигули» уларни ўзига оҳанграбодек тортиди. Зафар унинг эгасига кўзқулоқ бўлиб турди. Орадан ҳеч қанча вақт ўтмай Л 65 01 ТШ рақамли машина шиддат билан йўлга чиқди. Пулда ҳар доимгидек Эркин. Аммо Карл Маркс ҳамда Жуковский кўчалари кесилган жойда автофалокатга учрадилар. Улар бошқариб бораётган

машина 7971 ТНЛ рақамли «Икарус» билан тўқнашди. Ҳозир ким кўп — текин томоша талабгорлари. Қолаверса, ДАН ходимлари ҳам тез орада етиб келишлари мумкин. «Овчи»лар шунини ўйлаб, тайёр бўлиб қолган «ўлжа»дан воз кечдилар. Имкон борида қуён бўлдилар. Бу сафар ҳам жабрланувчи Т. Муслимовга 2 минг 800 сўм моддий зарар етказилгани уларнинг хаёлига ҳам келмади.

Халқимизда қочган ҳам, қувган ҳам худо дейди, деган нақл бор. Мана, улар бугун суд залида — қора курсида ўтиришибди. Чиқмаган жондан умид қилишяпти. Аммо ҳаммаси бекор.

Судланувчи Зафар Тоиров: — Менга нисбатан эълон қилинган айб нотўғри. Мутлақо ундай бўлмаган. 5 декабрь кунин бизникига Ғоибназаров ва Ҳакимбековлар келишди. Айланаиб келамиз, дейишди. Чирчиққа бориб, Эркиннинг Маметов деган ўртоғини қидирдик. Аммо машинамиз ўт олмай қолди. Ноилож такси тутиб Тошкентга келдик. Эртаси кунин эса учовлон яна Чирчиққа бордик. У ерда бизни болалар кутиб туришган экан. Шарафутдиннинг машинасида тўрт қаватли уйга бориб ўтирдик, кейин яна Тошкентга қайтдик. Ҳеч кимни ўлдиринишда ва ҳеч қанақа ўғирликда иштирок этганим йўқ.

Судланувчи Эркин Ғоибназаров: — Автомашина ўғирлашда қисман айбим бор. Ўша кунин сартарошхонадан чиқиб, яшил рангли машинани кўрдим. Унинг мотори ишлаб турарди. Олиб қочдим. Йўлда Ҳакимбековни учратиб, уни ҳам машинага чиқариб олдим. Тўғри уникига ҳайдадим. Ўртоғим қайтадан кийиниб олиши керак эди. Машинадан тўппончани топиб олдим ва вақтинча сақлаш учун Аълобекка бердим. Кейин Зафарни ҳам олиб, Чирчиққа қараб келдик. У ерда машина бузилиб қолди. Тошкентга бошқа машинада қайтишга мажбур бўлдик.

Тўппонча тўғрисида Зафарга айтганим йўқ. Фақат машина ўғирланганини билдирдим, холос. Кейинги кунин яна Чирчиққа бордик. Маметовдан машинани сотиб беришини илтимос қилдик. У Шарафутдиновга 2 минг 500 сўмга сотди. «Хамир учидан патир» деганларидек, 300 сўмни олиб, яна уйимизга қайтдик. Аммо кейинчалик Шарафутдинов машинани олмаслигини айтди. «Эгасини ўлдириб кетишган экан, емаган сомсага пул тўлашни хоҳламайман», — деди. Бошқа Чирчиққа борганим йўқ. 6 январь кунин эса мени милиция ходимлари қўлга олишди. Тергов жараёнида нотўғри кўрсатма беришга мажбур қилишди.

24 октябрь кунин эса соат тахминан 22 ларда «Зарафшон» ресторанидан чиқиб, битта «Жигули»нинг эшиклари очиклигини кўрдим. Ўтириб, «ТТЗ» томонга қараб кетдим. Кейин магнитофонини, кассеталарини, пешонасини ва битта эҳтиёт ғилдирагини ечиб олдим. Ўғирлаган нарсаларни нотаниш кишига сотиб юборганман. Пулни эса эҳтиётсизлик билан ишлатганман.

(Давоми келгуси сонда).

Эркин ИУЛДОШЕВ,
Тошкент шаҳар судининг аъзоси,

Маҳкам ҲАКИМОВ,
жамоатчи мухбир,

Раҳмонали ҚОСИМОВ,
«Постда»нинг махсус мухбири.

ЮЗ ФОИЗ

ОБУНА БЎЛИШДИ

«Постада» ўзининг ранг-баранг чиқишлари билан кун сайин ўқувчилар меҳрини қозониб бораётган рўзномалардан бири. Берилётган турли хил фикрлар, жиноятчилик, унга қарши кураш, қонунчиликнинг бугунги аҳволи тўғрисидаги чуқур таҳлилий мақола-лар ҳеч бир ўқувчини бефарқ қолдираётгани йўқ. Бу, шубҳасиз, обунага ҳам ўз таъсирини ўтказмай қолмайди, албатта.

Тошкент вилояти ИИБ ходимлари аллақачон бу рўзнома тимсолида ўзларининг энг яхши маслаҳатгўйи, ҳамдардини кўришган. Шу сабабдан бўлса керак, улар келаси йил учун «Постада» рўзномасига юз фоиз обуна бўлишди. Январ ойидан бошлаб 4060 нафар милиционер хонадонига сеvimли рўзноманинг ўзи ташриф буюради.

М. МИРСОВУРОВ.

РЎЗНОМАДА БОСИЛМАДИ, АММО...

ШИКОЯТДА ЖОН БОР ЭКАН

Тошкент шаҳар ИИБга қарашли бошланғич тайёр-гарлик мактабда тахсил олаётган бир гуруҳ ўқувчилар тахририятимизга мактуб йўллашганди. Улар ўз хатларида ижтимоий ҳуқуқларининг камситилаётгани, дарсдан ташқари вақтларда шаҳарнинг туманларига жамоат тартибни сақлаш ишига жалб этилаётганлари хусусида баён қилгандилар.

Муҳарририятимиз сўровига биноан ИИБ шахсий таркибни тарбиялаш, ҳуқуқий ва ижтимоий муҳофаза қилиш бошқармасидаги ўртоқлар ушбу фактлар юзасидан текшириш ўтказиб, қўйидагиларни билдиришди.

«Текшириш натижасида хатда келтирилган фактлар ўз тасдиғини топди. Бу ҳақда маълумотнома Ўзбекистон Жумҳурияти ИИБнинг вазир ўринбосари, шаҳар ИИБ бошлиғи милиция генерал-майори Ж. Камолхўжаевга чора кўриш ва муаммоларни бартараф этиш учун юборилди».



Кўпинча участка инспекторлари ўзларига яқинда ёрдам бераётган кўнгилли халқ дўстларини (КХД) хизматларига доим ижобий баҳо берадилар. Дўстлик шаҳар ИИБ участка инспектори милиция капитани Баҳодир Нурметовнинг фикри ҳам шундай. У дўстларини билан ҳамкорликда бир қанча ишлари самарали ақиллаган.

СУРАТЛАРДА: «Участковой» ва унинг ишончли ёрдамчилари;
Б. Нурметов қўлбола самогон тайёрлаган фуқаро билан.
Саъдулла БОБОЕВ олган суратлар.

Оғир қайғу инсон қаддини дол қилади, кўзда алам ёшларини гирён этади, бахт қуёшини қора булут мисол тўсади. Шунда ғуссада қолган инсон кимгадир суянгиси, кимдан-дир тасалли эшитгиси келади. Ташвиш ботқоғидан чиқишда кимнингдир ёрдамига муҳтож бўлади. Ғам-аламга шерик бўлувчи, қийинчиликларни биргаликда енгувчи ўша кимдир ким?

Топдингиз. Сарлавҳадаги тўрт қарфли каломга лойиқ киши.

Мен ҳозир дўст ҳақида бирон бир фалсафий мушоҳада юритмоқчи эмасман. Фақат бошимдан ўтган биринки воқеаларни ҳикоя қилмоқчиман, холос.

Бир дўстим бор. Қишлоқдошлари орасида шоир, деб ном олган. Бир-биримизнига борди-келди қилиб турамыз.

Бир кун суҳбат чоғида дўст ва дўстлик ҳақида узоқ мунозара қилдик. Охири дўст икки тонфага бўлинади, дея хулосаландик. Бири фақат яхшилик қилишни ўйласа, иккинчиси шахсий манфаатини кўзларкан. Дўстим яна қўшиб қўйди: «Дўстни икки марта синаб кўринг. Бирида ғазабланинг, унга нисбатан соvuқ муносабатда бўлинг, иккинчисида унинг энг яхши кўрган нарсасини сўранг».

Мен шундай қилмоқчи бўлдим. Фақат қайси бирини? Ўйлаб-ўйлаб шоир дўстимнинг ўзини мўлжалга олдим. Ва уларнинг маҳалласидаги тўйда уни учратиш, соvuқ саломлашдим. Сўз беришганда барча дўстларимнинг исмини келтириб, уларга ўхшаб олижано бўлишни қувё болага тиладим. Тўй охиригача унга нисбатан кайфиятимни бир хил тутдим.

Дўстим эртаси ишхонамга кўнғироқ қилиб, деди: «Мен берган маслаҳатни ўзимда синаб кўраймисми?»

ДЎСТ

Қоғоз-қалам олиб, мана бу шеърни ёзинг.

Улуғни улуғла, келтир хурматин, Шунда сен оларсан улуғлик қутин...

Мен бу мисраларни қай маънода жаранглаганини анча кейин англадим.

Иккинчи шартни дўстим ёмон кўрадиган, менинг ва-зифамдан фойдаланиш ор-қусида юрган бир кишида (у мени кўп давраларда ўзига дўст деб таништирарди) синаб кўрдим.

Ундан яхши кўрган нарсасини сўрадим. Ўзида бўлмаса ҳам толиб беришга уринишини айтди.

Орадан икки кун ўтгач, қизим бир киши қоғоз ва китоб олиб келганини айтди. Хурсанд бўлдим. Қўнғироқ қилиб миннатдорчилигимни билдирдим. Лекин бекорга хурсанд бўлган эканман.

Шоир дўстимнинг ўғли аскарликдан қайтган кунини уйига оиламиз билан бордик. Бир оз ўтириб дам олганимиздан сўнг дўстим менга берилган нарсалар ҳақида суриштириб қолди. Бу ҳақда қандай билганлигини сўрамоқчи эдим, ўзи гапириб қолди:

— Дадамнинг дадаси бизга эсдалик қолдирган эди. Сизни номингизни айтиб, кеча Шокиржон олиб кетди. Нима, мени яна синаб кўрмоқчимисиз?

Ҳаммасини тушундим. Шокиржон отли дўстим мени номимдан сўраб, «Қуръон»ни шоир дўстимдан олиб кетган экан.

«Қуръон»ни эртагаёқ қайтаришга ваъда бердим ва дўстимдан самимий кечирим сўрадим.

Фахриддин МУШТОҚОВ, Сирдарё вилояти ИИБ бўлим бошлиғи.

ЁНИНИ ОЛАВЕРМАНГ

Шу мақолани ўқингۇ ёқангизни ушлаганча тавба денг. «Вой, нега?» деганингиз нимаси? Йўқса, нақ қирқ ёшни уриб қўйган одам — Шуҳрат Қаҳҳоров келиб-келиб нафсининг қурбонига айланиб қолармиди? Бу ёшдаги киши «биронинг ҳақида ҳиёнат қилма, текин тешиб чиқади», деб ёшларга насиҳат қилиши лозим. У эса аксинча йўл тутди. Яъни шу йилнинг 14 март кунини ўзига бириктирилган ГАЗ-24 белгили давлат рақами 87-39 ТНА бўлган автомашинасида Янгибозор шаҳридан, йўловчилар — О. Аҳмедов, Р. Жабборов, Сатторовларни Чирчиқ шаҳ-

ри Оққовоқ кўрғонига олиб келди. Пул ўлчагич 3 сўму 82 тийин кўрсатганига қарамасдан улардан 10 сўм талаб қилди. Бироқ пулни олишга улгурмасдан БХСС ходимлари томонидан қўлга тушди.

Суд ҳайъати унинг қилган ишидан қаттиқ пушаймонлигини, оилавий аҳволи оғирлигини, муқаддам судланмаганлигини, ижобий таърифномасини инобатга олиб... 100 сўм жарима тўлашга ҳукм чиқарди.

Кўрдингизми, бизнинг қонунларимиз нақадар одил.

М. ҲАКИМОВ.

МЕН СИЗНИ КУТАЯПМАН

Мен Тошкентдаги ҳуқуқ-шунослик олий билимгоҳининг 3-босқич талабасиман. Қишлоққа боргандим. 10 ноябрь кунини 85-23 ТШН рақамли «Икарус» автобусида Кўқондан Тошкентга қайтдим. Етиб келдик. Юкхонага қўйган «Лада» ёзувли қора сумкамни олдим юрагим «шув» этиб кетди. Чунки бу сумка меникига айнан ўхшаш бўлсада, аслида бошқа кишига тегишли экан.

Менинг сумкамда минг сўм пул, кийим-кечакларим ва егулик майда-чуйдалар бор эди. Бу сумкадан эса кийик сурати туширилган беш дона деворга осиладиган чойшаб, ёш боланинг бир жуфт оёқ кийими ва пайпоғи ҳамда икки кило гўшт чиқди. Қандайдир англашилмовчилик бўлгану бир бечора янглишиб, меникини кўтариб

кетган кўринади. Бу ҳақда ҳозирча милицияга хабар қилганим йўқ. Негаки юртошларимнинг ҳалол-покиза хислатларига қаттиқ ишонаман. Инсофли эканликларидан умид қиламан.

Шу боисдан ҳам «Постада» рўзномаси орқали у кишига мурожаат қилмоқчиман. Қадрли ўртоқ! Эҳтимол сиз онам ёки отам тенгдирсиз, балки акам ёки опамга тенгдошдирсиз — бунинг фарқи йўқ. Ҳойнаҳой мен каби йўқолган сумкангизни қидириб (балки бу чойшаблар яхши кунингизга аталгандир) жигибийрон бўлиб юргандирсиз.

Агар шундай бўлса, менга хабар қилинг. Талабалар шаҳарчасидаги 1-ётоқхонанинг 102-хонасида истиқомат қиламан. Исми-шарифим: Малоҳат РАҲИМОВА.

«Постада» — СИБ ИСТАГАН РЎЗНОМА!

АГАР —

- ҲУҚУҚИЯ МАСЛАҲАТГА МУҲТОЖЛИК СЕЗАНГИЗ, ЯНГИ ҚОНУН ШАРҲЛАРИ БИЛАН ТАНИШМОҚЧИ БУЛСАНГИЗ,
- ҚИЗИҚАРЛИ ТАҚДИР ЭҒАЛАРИ БИЛАН УЧРАШМОҚЧИ БУЛСАНГИЗ, ҚАТАҒОН ЙИЛЛАРИ ҚУРБОНЛАРИ ҲАҚИДА БИЛМОҚЧИ БУЛСАНГИЗ, ЖИНОЯТЧИЛИК БИЛАН КУРАШ АҲВОЛИДАН ХАБАРДОР БУЛИШНИ ИСТАСАНГИЗ, ҲУҚУҚ-ТАРТИВОТНИ МУСТАҲКАМЛАШ БОРАСИДАГИ ФИКР-МУЛОҲАЗАЛАРИНГИЗ ЭШИТИЛИШНИ ХОҲЛАСАНГИЗ,
- АДОЛАТСИЗЛИКДАН НАҲОТ ИСТАСАНГИЗ, СИРА АДАШМАСДАН «ПОСДА»-ГА ОБУНА БУЛИНГ.
- У БУ ЙИЛ НАРХИ ОШМАГАН ЯҒОНА РЎЗНОМАДИР.
- ОБУНА БАҲОСИ — БИР ЙИЛГА 15 СЎМ 60 ТИЙИН, ЯРИМ ЙИЛГА 7 СЎМ 80 ТИЙИН, УЧ ОЙГА 3 СЎМ 90 ТИЙИН.
- ОБУНА РАҚАМИ (ИНДЕКСИ) — 64615.
- КЕЛГУСИ ЙИЛИ РЎЗНОМАНИНГ СОТУВДАГИ НАРХИ ОШИШИ МУМКИН. ОБУНА НАРХИ ЭСА УЗГАРМАЙДИ.